



UNIVERSITÄTS-  
BIBLIOTHEK  
PADERBORN

**Cæremoniale FF. Minorum Strictioris Observantiæ Almæ  
Provinciæ Saxoniae S. Crucis**

**Sächsische Franziskanerprovinz vom Heiligen Kreuz**

**Nevhsii, 1706**

**VD18 10502327**

Titulus XVIII. De Processionibus.

---

[urn:nbn:de:hbz:466:1-71672](https://nbn-resolving.org/urn:nbn:de:hbz:466:1-71672)

*Deus qui inter Apostolicos Sacerdotes : pro non Sacerdote : Absolve  
quesumus Domine.*

## TITULUS XVIII.

### *De Processionibus.*

1. **P**ROcessiones fiunt quando & quomodo in Rubricis Missalis & in Agenda Romana præscribuntur, semperque totus Clerus præcedit Celebrantem, vide Rubricas in festo Purificationis B. M. V. & in Parasceve. Notandum tamen Decretum Cong. Card. ut in feria V. & VI. majoris hebdomadæ non fiat Processio Sacramenti extra Ecclesiam, sed à summo Altari ad locum præparatum, Fratres descendentes sistunt se in bono ordine : ut suo loco dictum est.

2. Processiones cum Venerabili Sacramento in quibus Celebrans nunquam cum aliis cantat ut docet GAVANTUS, servantur ipso die Venerabilis Sacramenti (nisi procedendum sit ad processionem Parochiæ) in festo S. FRANCISCI, S. ANTONII, Portiunculæ, in festo Dedicacionis, Patroni Ecclesiæ, & in diebus Confraternitatis. In his processionibus aliquis Frater superpelliceo indutus, medius inter duos Acolythos defert crucem, ita ut facies Crucifixi versa sit ante eum qui crucem defert. Vel vexillum pro loci consuetudine. Ad initium cantabitur O SACRUM, & sub processione per claustrum Hymnus : PANGE LINGUA, vel alius pro qualitate festi.

3. Si processio sit post prandium, illa finitur per TE DEUM LAUDAMUS, quod Cantores non incipiunt, nisi quando Officiator cum Venerabili ingressus est Ecclesiam, qui illud, non data benedictione, reponit & thurificat. Deinde sistit se contra Venerabile & non ad latus, Ministris similiter in locis consuetis contra Venerabile stantibus. Dum cantatur TU AD DEXTRAM DEI SEDES, Officiator imponit thus, & thurificat more solito, sic omnia disponens ut Venerabile manibus teneat. Dum dicitur : TE ERGO, & sub verbis : QUOS PRETIOSO SANGUINE benedicit populo.

4. Quan-



4. Quando sub processione cum sanctissimo Sacramento in aliquo altari elevatur Hostia, aut expositum est Ciborium, nullus propterea genuflectat aut aliam reverentiam exhibeat, sed uniformiter stantes vel incedentes sacram actionem cui sunt intenti, devote prosequantur. In processionibus vero in quibus Venerabile non defertur, si transire debeant Sacramentum, uno genu bini & bini flectunt, sed transeunter & absque mora, ne tota processio subsistere cogatur.

5. Si oporteat interesse processioni Parochiali, sitque consuetudo cum Clero sæculari alternatim psallendi, tempestivè insinuetur Fratribus quænam cantanda sint, ut ea parata habere possint.

6. In omnibus processionibus, præsertim publicis, graviter, modeste, & devote incedant, ac ab invicem, tam, quando standum, ac dum incedendum, sic remoti sint, ut inter præcedentem & subsequen-tem, ac etiam inter socium lateralem, nisi loci angustia impediatur, trium circiter passuum spatium relinquatur, omnesque suis sociis latera- libus ita attendant, ut debitus & uniformis incedentium ordo minime turberetur.

7. Si Processio Parochialis cum Venerabili venerit ad nostras Ec- clesias, Officiator tempestivè sit paratus ad eam excipiendam. Modus verò incensandi & processionem recipiendi relinquatur locorum con- suetudini.

8. Si processio, de qua supra num. 3. finiatur per Antiph. *O quam suavis*: hæc inchoatur dum Cantores intrant Ecclesiam. Officiator cum Venerabili altare ascendit, se ad populum vertit & sub verbis *Esurientes reple bonis*, eundem benedicit: ubi alia est in quibusdam Conventibus consuetudo ea retineri potest.

9. Cantores si sint Clerici sequuntur Clericos, si fuerint Sacerdotes vadunt ambo ubi Seniore ex iis juxta ordinem præcedentiæ ire oportet.

10. Si tota Communitas processionis causa in aliena Ecclesia sub elevatione sacrae hostiæ existat, non osculatur terram sed hostiam erecti adorant. Item dum cum Venerabili datur benedictio, genuflexi se profunde inclinant sine osculis terræ.

CÆ-